



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonalno tužilaštvo Srednjobosanskog kantona/Kantonalno
tužiteljstvo Središnja Bosna
Travnik

Broj: T06 0 KT 0037576 25
Travnik, 12.01.2026.godine

KANTONALNOM SUDU
sudiji za prethodno saslušanje
NOVI TRAVNIK

Na osnovu člana 45. stav 1. i 2. tačka i) i člana 241. stav 1. Zakona o krivičnom postupku Federacije Bosne i Hercegovine (ZKP F BiH), podižem,

O P T U Ž N I C U

Potvrđena dana 20.01.2026. godine.

Protiv:

S. H.

Zbog postojanja osnovane sumnje da je:

Dana 24.04.2025. godine, oko 21,15 sati, u mjestu Doribaba, općina Jajce, upotrebom sile oduzeo tuđu pokretninu s ciljem da njenim prisvajanjem pribavi sebi protivpravnu imovinsku korist na način da je, zatražio od Ć. S. da ode s njim do oštećenog F. G. rekavši mu da treba od F. tražiti novac koji mu je navodno dugovao za usluge izvođenja građevinskih radova na potpornom zidu, znajući da F. G. u torbici ima veću količinu novca što je lično vidio kada mu je F. dao akontaciju od 3.400 Eura na ime usluge izvođenja građevinskih radova, pa kada su došli pred kuću oštećenog F. G., zatražio od S. da pokuca na vrata, dok je on stao iza S. i ćoška kuće, što je S. učinio, da bi nakon što je vrata otvorio oštećeni F. G., iznenada iskoračio iza ugla kuće, svjestan da upotrebom sile oduzima tuđu pokretninu te da udarcem oštećenog može teško tjelesno povrijediti, što je i htio, **oštećenom** odmah zadao snažan udarac zatvorenom pesnicom u predjelu glave lica obarajući ga na pod, uslijed kojih udaraca je oštećeni zadobio teške tjelesne povrede u vidu Prijeloma nosnih kostiju sa pomakom ulomaka, razderonagnječnu ranu čeone regije, iščašenje lijevog zgloba između sljepočne kosti i donje čeljusti, nagnječenje lakatnog zgloba lijevo, nakon čega je S. H. ušao u unutrašnjost kuće odakle je oduzeo i prisvojio novčanik oštećenog u kom se nalazio novac u iznosu od 7000,00 eura u apoenima po 200,00 eura, zatim torbicu plave boje

u kojoj se nalazio novac u iznosu od 2000,00 KM u različitim apoenima, lični dokumenti oštećenog, bankovne kartice kao i mobitel nepoznate marke, iako, nakon čega se zajedno sa S. udaljio od kuće oštećenog, oštetivši istog za gore navedeni iznos za koji novčani iznos je sebi pribavio protivpravnu imovinsku korist

Dakle, upotrebom sile protiv jedne osobe, oduzeo tuđu pokretninu s ciljem da njenim prisvajanjem pribavi sebi protivpravnu imovinsku korist kojom prilikom je jedno lice teško tjelesno ozlijedio

Čime bi počinio krivično djelo „Razbojništvo“ iz člana 289. stav 2. u vezi sa st 1. KZ FBiH.

KANTONALNA TUŽITELJICA

Poštovani predstavnici medija, molimo Vas da prilikom prenošenja vijesti imate u vidu da osobe, na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.